

## **Kalaallit Nunaanni sullivinni avatangiisit pillugit inatsisip allanngortinneranik inatsit**

(Pinerluttulerinermik inatsimmut sulisitsisup akisussaaffikinnerulernissaa, pinerluttulerinermik inatsimmut akisusaaffiup sukateriffigineqarnera, ataqatigiissaarisutut il.il. ilinniartitaasalernissaq)

UAGUT MARGRETHE AAPPAAT, Guutip saammaanneranik Danmarkip Dronningia, nalunaarpugut:

Folketingip inatsit manna akuerigaa aamma Uagut akuersinitsigut aalajangersaraa:

### **§ 1**

Kalaallit Nunaanni sullivinn avatangiisit pillugit inatsimmi, tak. nalunaarut nr. 1048, 26. oktober 2005-imeersumi makku allannguutitut aalajangiunneqarput:

1. § 3-*mi imm. 3-tut* ilanngunneqassaaq:

”*Imm. 3.* Inatsit sinerissap avataani uuliasiornermi sulinermut atuutinngilaq.”

2. § 6, *imm. 1-imi*, oqaaseqatigiit siulliit ”§ 7, *imm. 6*” allanngortinneqassaaq ima: ”§ 7, *imm. 7*”.

3. § 7, *imm. 1-imi* peerneqassapput uku: ”, isumannaallisaasumi ilaasortat ilinniartitaanerat pillugu”.

4. § 7-*imi imm. 1-ip* kingorna immikkoortutut nutaatut ilanngunneqassaaq:

”*Imm. 2.* Suliffeqarnermut ministeri sulinermi avatangiisit pillugit malittarisassiussaaq, matumunnga ilanngullugit sanaartornerup iluani isumannaallisaanermik peqqinnissamillu ataqatigiissaarisussanut sulisilluni avatangiisinut tunngasunik ilinniartitaaneq, ilinniartitsisut piginnaasaannik aamma ilinniartitaanermik neqeroortut pitsaassusissaannik qulakkeerinnineq.”

*Imm. 2-6* matuma kingorna *imm. 3-7-ingussapput*.

5. § 7, *imm. 4-mi*, *imm. 5-ingortussami*, ”*imm. 3 malillugu*” allanngortinneqassaaq ima: “*imm. 4 malillugu*”.

6. § 7, *imm. 5-imi*, *imm. 6-ingortussami*, ”*imm. 3 malillugu*” allanngortinneqassaaq ima: *imm. 4 malillugu*”.

7. § 7-*mi imm. 8-tut* ilanngunneqassaaq:

”*Imm. 8.* Aammattaaq suliffeqarnermut ministeri ataqatigiissaarisunut sulisilluni avatangiisinut tunngasunik ilinniartitaaneq pillugu piumasaqaammik § 7, *imm. 2-miittumik* atuisitsinngitsoortitsisinnaavoq, ilinniartitaaneq Kalaallit Nunaanni neqeroortugineqanngippat.”

8. § 31, *imm. 3, nr. 4-mi* ”pisariaqarneratut ilisimasalimmik”-ip kingorna ilanngunneqassaaq: ”immikkut”.

9. § 57-ip kingorna ilanngunneqassaaq:

”§ 57 a. Akiliutinut malittarisassat, matumunnga ilanngullugit sullivinni avatangiisit pillugit ilinniartitsinermi Sullivinnik Nakkutilliisoqarfiup aningaasartuutaanik matussutissat ilaannik sulisitsisunut akileeqquisarneq akiliisarnerallu pillugit malittarisassanik suliffeqarnermut ministeri aalajangersaasinnaavoq.

*Imm. 2.* Ukioq pineqartoq pillugu aningaasanut inatsimmi akit aningaasarsiallu tamanut atuuttut qaffattarnerat naapertorlugu akiliut ukiumoortumik naleqqussarneqartassaaq.”

**10. § 65, imm. 2-6** atorunnaassapput, taarsiullugulu ilanngunneqassapput:

“*Imm. 2.* Imm. 1 malillugu pinerluttulerinermi inatsimmi pineqaatissiissutip aalajangiivigineqarnerani pissutsit immikkorluinnaq sukannernerulersitsissutaasut isigineqassaaq, unioqquitsineq perlasinermik kinguneqarsimappat inuup ajoquserujussuarneranik imaluunniit toquneranik nassataqartumik.

*Imm. 3.* Imm. 1 malillugu pinerluttulerinermi inatsimmi pineqaatissiissutip aalajangiivigineqarnerani, sulisitsisoq inatsisip kapitalia 3 malillugu pisussaaffimminik naammassinnissimatillugu, tamanna pissutsit immikkorluinnaq sukannernerulersitsissutaasut isigineqassaaq sulisoq piaaraluni imaluunniit mianersuaalliorujussuarluni inatsisit piunasaqaataannik makkuninnga unioqquitsippat

- 1) illersuutinik inummut atugassianik atuisussaaneq,
- 2) milluaasuliissutinik atuisussaaneq,
- 3) atortunik illersuutaasunik isumanaallisaataasunillu atuisussaaneq imaluunniit
- 4) suleriaatsinik illersorneqarsinnaasunik atuisussaaneq.

*Imm. 4.* Imm 3-mi taaneqartut saniatigut pisoqartillugu imm. 1 aamma 2 malillugit pinerluttulerinermi inatsimmi pineqaatissiissutip aalajangiivigineqarnerani pissutsit sukannernerulersitsissutaasut isigineqassaaq,

- 1) unioqquitsineq piaaraluni imaluunniit mianersuaalliorujussuarnekkut unioqquitsineruppat,
- 2) unioqquitsinermi inuup inuunera peqqissusaaluunniit ajoquserneqarsimappat imaluunniit taamatut ajoquserneqarnissaa navialisinneqarsimappat, pisoq imm. 2-mut ilaangikkaluortoq,
- 3) § 60, imm.1 imaluunniit 2 naapertorlugu pisoq taannarpiaq imaluunniit tamatumunnga assingusoq pillugu siornatigut peqqussuteqartoqareersimappat, imaluunniit
- 4) unioqquitsinermi pineqartoq nammineq allaluunniit aningaasatigut iluanaaruteqarsimappata imaluunniit iluanaaruteqarnissaat siunertarineqarsimappat.

*Imm. 5.* Immikkut ittumik sukannernerulersitsissutaasut isigineqassaaq inuusuttut 18-it inorlugit ukiullit inuunerat peqqissusaaluunniit ajoquserneqarpat imaluunniit ajoquserneqarnissaa navialisinneqarsimappat, tak. imm. 4, nr. 2.

*Imm. 6.* Iluanaarutit unioqquitsinikkut pissarsiaasut arsaarinnissutaassanngippata akiliisitsissutinik, ilanngullugit tapiliussatut akiliisitsissutit, annertussusiliinermi aningaasatigut iluanaarutit imaluunniit iluanaarutiginiarneqarsimasut annertussusaat immikkut pingaartinneqartassaaq.

*Imm. 7.* Peqataaneq pillugu Kalaallit Nunaanni pinerluttulerinermi inatsimmi § 13 atuutissaaq pinerluttulerinermi inatsimmi akisussaatitaanermut imm. 1-imi aamma 2-mi pineqartumut.

*Imm. 8.* §§ 24-28-mik kiisalu § 29 malillugu malittarisassianik unioqquitsinermi pinerluttulerinermi inatsimmi akisussaatitaanerup pisoqalisoorinissaanut piffissarititaq ukiunik tallimanik sivilissuseqarpoq.

**11. § 66, imm. 1, 1.oqaaseqatigiinni siullerni,** ”mianersuaalliornerataluunniit”-ip kingorna ilanngunneqassaaq: ”, taamaattorli takuuk imm. 3”.

**12. § 66, imm. 2-mi,** ”§ 65 imm. 2, nr. 2-4 aamma imm. 3” allanngortinneqassaaq imaalillugu: ”§ 65, imm. 2, 4 aamma 5”.

**13. § 66-imi** imm. 3-tut ilanngunneqassaaq:

”Imm. 3. Sulisitsisoq inatsisip kapitalia 3 naapertorlugu pisussaaffimminik naammassinnissimatillugu sulisitsisoq pinerluttulerinermi inatsit tungavigalugu pineqaatissinneqarsinnaanngilaq, sulisut inatsimmi piumasaqaatinik makkuninnga unioqqutitsisimappata

- 1) illersuutunik inummut atugassianik atuisussaaneq,
- 2) milluaasuliissutunik atuisussaaneq,
- 3) atortunik illersuutaasunik imaluunniit isumannaallisaataasunik atuisussaaneq imaluunniit
- 4) suleriaatsinik illersorneqarsinnaasunik atuisussaaneq.”

**14. § 68** ima oqaasertalerneqassaaq:

”§ 68. Ingerlatsiviit il.il. (allat sinnerlugit inatsisitigut sullissisut) pinerluttulerinermi inatsimmi kapitali 5-imi malittarisassat naapertorlugit pinerluttulerinermi inatsimmi akisussaatinneqarsinnaapput. § 66, imm. 3 taamatulli atortuutinneqassaaq.”

## § 2

*Imm. 1.* Inatsit atuulissaaq januaarip 1-ianni 2013.

*Imm. 2.* § 1, nr. 10-14 atuutinneqassaaq inatsisip atuutilersinneqarnerata kingorna unioqqutitsinernut.

*Marselisborg Slotimi tunniunneqarpoq, decembarip 23-ianni 2012.*

Kunngitut Nasissusiivugut Atsiortalu

MARGRETHE R.

/ Mette Frederiksen